



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.

PROPERTY OF
*University of
Michigan
Libraries*

1817

ARTES SCIENTIA VERITAS



Waldfrieden

Lustspiel
in einem Aufzug

von

Ludwig Thoma



Verlag Albert Langen München

4.0

Waldfrieden

Übersetzungs- und Aufführungsrecht vorbehalten.
Nachdruck verboten. Den Bühnen und Vereinen
gegenüber Manuskript. Das Aufführungsrecht ist
ausschließlich zu erwerben durch Albert Langen,
Bühnenvertrieb, München, Hubertusstraße 27.

Ludwig Thoma
Waldfrieden

Lustspiel
in einem Aufzuge



Albert Langen, München

838
T45 wa

Copyright 1916 by Albert Langen, Munich

Personen

Faver Schanderl, Privatier

Korbinian Huber, Baumeister

Sepp, Jäger bei Schanderl

Wally, Schwester von Sepp, Köchin im Jagdhaufe

Das Stück spielt im Jagdhaufe des Herrn Schanderl in
der Nähe Münchens.

Zeit: Gegenwart

Erste Szene

Gemütliche Stube. Getäfelte Jagdtrophäen an den Wänden, Bilder. Auch einige Tafeln mit Inschriften wie diese: „A Bierl und mei Ruah, da brauch i nig dazua.“ „Mein Ruah will i hamm.“ „Bei mir is grüabi.“ Ofenbank. Tisch. Stühle usw.

Schanderl

ein behäbiger Münchner in den Bierziggern, mit gerötetem Gesichte, lebhaft und beweglich. Er ruft:

Sepp!

Der Jäger kommt herein. Großer hagerer Mensch mit Vollbart. Gewöhnliches Gesicht, listige Augen, die seine stark zur Schau getragene Unterwürfigkeit lägen strafen.

Sepp

Was wünschst da gnä Herr?

Schanderl

Also paß auf: da Ding kimmt heut, da Huaba Korbi . . .

Sepp

Da Herr . . .

Schanderl

Da Herr Baumoasta, jawoi. Und weil's heut

das erstemal is, vastehst . . . seit meina Vermählung, also, weil ma da wieda z'sammkemma . . . vastehst . . . will i a bissel was arraschiern . . .

Sepp

I vasteh an gnä Herrn scho. I soll also . . .

Schanderl

A Fassel Bier sollst herbringa . . .

Sepp wiederholt

A Fassel Bier mit a so a fufzeh, zwanz'g Lita . . .

Schanderl

Und d' Wally soll was aufkocha . . . a paar Hendl'n . . . hamm ma koan Fisch?

Sepp überlegend

Jo . . . an Hecht'n, moan i, kunnt ma hamm.

Schanderl eifrig

Also, den soll d' Wally siab'n, vastehst, blau, und nacha a paar Göklerln, vastehst, und nacha an Kaisaschmarrn und zu de Göklerl, daß i net vagiß, an Kartoffsalat, vastehst?

Sepp

I vasteh an gnä Herrn scho . . .

Schanderl

Also z'erscht amal 's Fassel Bier.

Sepp

Mit a zwanz'g, a fünfzwanz'g Lita.

Schanderl

Dös holst glei . . . Patscht in die Hände. Herrgott, dös werd heut grüabi, ganz a so wia früher . . .

Sepp

mit einem tiefen Seufzer

In der quat'n alten Zeit . . .

Schanderl

seufzt tieffinnig

Ja . . . ja . . . Wieder lebhaft Also . . . und der Wally sagt, de Götterln müass'n brau' sei . . . sie woß scho . . .

Sepp

Jawoi, gnä Herr. Also z'erscht amal 's Faßl Bier . . .

Schanderl

Und 's Eß'n o'schaffa . . .

Sepp

Was i sag'n will, na gengan da gnä Herr net auf d' Pürsch?

Schanderl

Na! Heut werd g'suffa . . . Reibt sich die Hände. Herrgott, dös werd amal grüabi!

Sepp

I frag bloß, weil in da Schmelz der guate
Sechfabock stand . . . ?

Schanderl

Soll a steh! Heut hat a sein Ruah . . . und
i de mei . . .

Sepp ägernd

Aba . . . der Bock is halt a weng nah bei
da Grenz?

Schanderl

Mögst 'n du schiaß'n, gel? Aba da werd nig
drauß!

Sepp

Natürli is schöna, wenn da gnä Herr selm
den Bock friagt, aba . . .

Schanderl

Nig aba! I schiaß 'n und gar is. Jetzt mach
amal, daß de G'schicht arraschiert werd!

Sepp

Jawoi, gnä Herr. Er geht zur Türe, dreht sich
nochmal um. Soll i auf d' Bahn geh oda . . .

Schanderl

sieht auf die Uhr.

Ah was, Bahn! Der Zug muas scho da sei . . .
aba der Wally sagst, daß s' für'n Herrn Bau-

moasta 's Zimma herricht' . . . döös neben meina
. . . was a halt früher allaweil g'habt hat.

Sepp seufzend
In der guat'n alt'n Zeit . . .

Schanderl
Jetzt druck di mit deina alt'n Zeit . . . mach'
amall! Rühr di . . .!

Sepp eilig
Jawoi, gnä Herr! Ab.

Zweite Szene

Schanderl
sieht ihm tiefinnig nach.

M . . . hm . . . ja . . . ja . . . de Leut hamm
natürli aa den Inschtinkt . . . daß . . . m . . .
hm . . . no ja natürli! Seufzt De guate, alte
Zeit! Wo's no grüabi war . . . m . . . hm . . .
ja . . . ja. Er ist ein paar Schritte auf und ab gegang-
en und bleibt jetzt vor einer Tafel stehen. Er liest den
Spruch laut vor sich hin. A Bierl . . . und mei
Nuah . . . da brauch i nig dazua . . . Seufzt . . .
Ah ja . . . hätt aa nig braucht dazua . . . o i
Kindviech, i saudumms! Es klopf. Herein!

Schanderl

kneift sie in die Wange.

Moanst, i hab's vageff'n? Dringlicher Moanst?
Legt den Arm um ihre Hüfte

Wally

windet sich los, aber diesmal langsamer.

Es scheint scho. Und ... no ja ... in gewisse Umständ muas ma natürli vageff'n ...

Schanderl loslassend

Ja ... ja ... also ... daß i's nomal sag ...
an Hecht blau ... und net vasiad'n ...

Wally

ein bißchen beleidigt

I hab, scheint's ma, no koan vasott'n.

Schanderl

Gwiß net. I sag bloß, so wia allaweil.

Wally

Kummt da Herr Baumoasta? Net wahr?

Schanderl

Da Korbi, ja.

Wally seufzt

Den hamn da gnä Herr ... mit Betonung
auch auf d' Seit'n g'fest g'habt ...

Schanderl

Auf d' Seit'n g'fest!

Schanderl

Was?

Wally

Sie red'n so, als wenn's — kleine Pause wo
anders net so gmüatli waar.

Schanderl

Da hab i nig g'sagt...

Wally

G'sagt net ... aba ...

Schanderl

Was aba?

Wally

No — — ja ...

Schanderl

Was aba?

Wally

Dös fo ma net so sag'n. Dös g'spürt ma ...

Schanderl tieffinnig

Dös g'spürst du, daß i ...??

Wally nickt zustimmend mehrmals mit dem Kopfe.

Schanderl

Da san am End so Redereien im Gang? Aba
wenn i dös spann ...

Wally eifrig

Gwisß net, gnä Herr. So was trauet si do

unseroans net, und übahaupts, mir hamm do
de größt Freud g'habt . . . gwiß is's wahr.

Schanderl

Üba was?

Wally

No ja . . . wie ma dös g'hört hamm . . . von
da Vermählung . . . vom gnä Herr . . .

Schanderl trocken

So?

Wally gesprächig

Und oft hab i zun Sepp g'sagt, siehst, Sepp,
hab i g'sagt, jetzt hat er do endli sein verdien-
tes Glück g'fund'n, hab i g'sagt. So a guata
Herr, sag i, der muas do a liabs Weiberl . . .
entschuldigen gnä Herr . . . aber mir einfach'n
Leut red'n halt so . . . der muas do, sag i, a
liabs Weiberl find'n . . .

Schanderl trocken

Hast du g'sagt?

Wally

sehr treuherzig

Gwiß is wahr. Und oft hab i's g'sagt.
Sepp, sag i, der Mo . . . entschuldigen gnä
Herr . . . der Mo, sag i, muas an Himmi auf
Erd'n hamm . . . oda es gibt foa Gerechtigkeit
nimma . . .

Thoma, Waldfrieden

2

Schanderl

tieffinnig und mit einem Seufzer

M—hm . . .

Wally

Aba natürli . . . wie da gnä Herr gar nimma
tumma is auf sei schöne Jagd, wo er do so gern
war, da macht ma si halt seine Gedank'n . . .

Schanderl

wie oben

M—hm . . .

Wally

Und wie da gnä Herr endlich da war'n . . .
da hat do unseroans auch g'merkt, daß der gnä
Herr sei alte Lustigkeit valorn hat . . . Und i
hab g'sagt, Sepp, sag i, da gnä Herr kimmt
ma ganz anderst vor. Der hat sei Gmüat nimma
. . . der is auf foa Weit'n mehr so fidel . . .

Schanderl

sieht Wally bedeutend an.

Bin i aa nimma . . . Da Wally ihn wehmütig an-
blickt . . . Na, bin i aa nimma . . .

Wally

voll Mitleid

O mei Kaver!

Schanderl erschrocken

Bst! Was fällt da denn ei? Wenn dös wer
höret!

Wally

Is scho recht, gnä Herr . . . und 's Zimmer
für'n Herrn Baumoasta richt i aa her. Wendet
sich zum Gehen.

Schanderl

Richt'st aa her, jawoi.

Wally knigt

Adjä, gnä Herr . . .

Schanderl

sehr freundlich

Bfüat di Good . . . du Gschmacherl, du
guats . . .

Wally

unter der Türe mit einem verliebten Blick
Bfüad di Good . . . Faver! Ab

Vierte Szene

Schanderl

blickt ihr tieffinnig nach.

Ja . . . ja . . . o du schöne, alte Zeit . . . sei
Ruah . . . und so was Dantschig's daneb'n . . .
und koan Zwang . . . und koa . . . Bapflichtung
und koan Badruß und koane Launen seufzt tief auf
a . . . ja! Trällert Du schöne Zeit . . . wie
liegst du weit! Ist auf und ab gegangen und bleibt
vor eing' Tafel stehen. Er liest laut. „Bei mir is

grüabi!" . . . M . . . hm . . . ja moi . . . G'wef'n,
muafß 's jetzt hoafß'n . . . o ich Kindvieh . . .
ich vernagelt's! Man hört Stimmen vor der Türe.
Huber ruft: „Wo is er denn, der Haderstricka?“
Die Türe wird stürmisch geöffnet, und herein tritt Bau-
meister Huber, im Jagdkostüm mit Rucksack und Flinte,
und eilt auf Schanderl zu.

Fünfte Szene

Huber

No endl! Da bist ja wieda . . . Bazi — aus-
g'schamta!

Schanderl freudig

Da Korbi!

Sie schütteln sich die Hände.

Huber

Laß di no grad o'schaug'n! I kenn di schier
nimma, du Vagabund! No ja . . . 's Köpfi is
no o'graucht. Schaut ihn prüfend an. Bauch is aa
no da . . . aba so a falsche Nobleß, moan i,
hast da'r o'gschafft . . .

Schanderl

Ja freili . . . Jetzt tua dein Rucksack oba und
d' Büchß . . . und hoch di auf dein alt'n Platz,
auf d' Ofenbank.

Huber

hat Büchse und Rucksack an einen Gewehrrahmen gehängt.

Alt'n Platz! Da derfst woß sag'n, von mein
alt'n Platz . . . Bormurfsvoll A ganz Jahr hab i
nimma vor deinem Antlitz erscheinä derf'n! A
ganz Jahr!

Schanderl

Ja mei! Woßst scho, wia's geht.

Huber

Woß geht? Nix geht! Is dös aa no a
Freundschaft? Z'erscht da Schpezl hi und da
Schpezl her, und auf oamal is wia o'gschnitten . . .

Schanderl

Hock di hi, sag' i, alter Grandlhauer, und
freu di, daß d' da bist!

Huber

setzt sich auf die Ofenbank.

Woß net, ob ma si da grad so freu'n soll
. . . a ganzes Jahr!

Schanderl

Dafür werd's heut zünfti, alter Schpezl!
Setzt sich neben ihn.

Huber

So? Bin i wieda Schpezl? In Gnad'n
aufgnumma?

Schanderl

Bist ja no nia entlass'n g'wen!

Huber

Net? Bja hoast ma nacha dös, wenn ma'r
an Freund nimma fennt? A ganzes Jahr?

Schanderl

Jessas na! Du bist aba scho a nissigs Luadal
Net auslass'n, oimei wieda von vorn ofanga.
Dat'scht ihm kräftig aufs Knie. Geh zua, sei g'müatli,
wia's da's früher g'wen bist!

Huber brummtig

M—hm . . . früher . . .

Schanderl

Woast a's no, wia selbig'smal d' Fernbacher
Benzl da war und da Hierlinger Toni, und wia
ma de Bowle er spricht Bow—le braut hamm?

Huber

Net wer i's wiss'n!

Schanderl

Und wia da Hierlinger mit sein Wurf vor
d' Haustür auffigfall'n is mit'n Kopf voro in
an Loambag'n?

Huber

Net wer i's wiss'n!

Schanderl

Und wia ins d' Fernbacha Benzl an Pariser
Kang—Kang vortanzt hat, und mit'n Hagn hat
s' dir an Huat oba g'haut . . .

Huber

Net wer i's wiss'n . . .

Schanderl

O mei Mensch! War's da oft zünfti! Luada war'n ma scho, daß 's koane größern net gibt. Patscht ihm aufs Ante. Jetzt lach do amal!

Huber grantig

Ich lach ja so.

Schanderl

Und des sell Pifnik mit de drei Gschoserln, und da Ding war dabei, da Söllhuaba Beni, Herrschaftseit'n, es war scho a Leb'n! . . .

Huber

Jetzt sag ma no grad amal dös! Also wia's d' ma du de Anzeig g'schickt hast von deina Vermählung . . .

Schanderl nervös

Jessas na!

Huber

No staad, Manndl. Also wia's d' ma du de Anzeig g'schickt hast, warum is denn da gar nix erfolgt von einer Einladung?

Schanderl

Jetzt fangt a mit dem alt'n Kas o!

Huber

Dös tat mi do scho interessier'n, warum i da so auf d' Seit'n g'schob'n wor'n bi.

Schanderl unbehaglich

Geh! Geh! Uberhaupt's hab i neamd ei' g'lad'n, weil die Sache im stillen vor sich ganga is, net?

Huber

So? Aba de Großkopf'et'n und de G'wappelt'n, de dabei war'n? Moanst, i woas net?

Schanderl

A paar engere Freunde . . .

Huber

Aha! I g'hör zu de weitem?

Schanderl

Von ihr. Engere Freunde von ihr . . .

Huber

Von der hohen Gemahlin! Mit de Dein hast d' net aufwart'n derfa?

Schanderl beglütigend

Geh, Korbi, laß da was sag'n . . .

Huber

Nix laß a ma sag'n. De G'schicht muasß ausg'redt wer'n, sunst bleibt was hint'n . . . Schanderl seufzt und verzieht sein Gesicht. Jawoi, Xaver,

mi hat's aa net g'freut. Siehgst, wie's d' mi
z'ruckg'setzt host . . .

Schanderl

Z'ruckg'setzt!

Huber

Jawoi! Verleugnet! Aba siehgst, dös hätt
i verwund'n. I hab ma halt denkt, o mei! Da
Kaver is allaweil schwach g'wen . . . und die
hohe Gemahlin werd a scharf's Beto ei'glegt
hamm . . . aba daß d' danach nix, aber aa gar
nix hast hör'n lass'n, siehgst, dös war . . . dös
war scho a bissel gar z' schwach . . .

Schanderl

Korbi, jetzt hab i mi so auf di g'freut, und
hab ma denkt, mir lass'n de schöne, alte Zeit
gewissermaß'n lebendi wer'n . . . dawei! Woast
d' wirkli nix anders, als daß d' ma da an Krach
hermachst?

Huber

Dös is toa Krach.

Schanderl

Net?

Huber

Na! Dös is die Stimme der Freundschaft,
de wo zun Ausbruch kimmt.

Schanderl

Geh, hör auf!

Huber

Is ja wahr! Was hat denn da d' Freundschaft überhaupts für an Wert, wenn . . . Draußen wird das Bierfaß angezapft. Man hört deutlich die Schläge.

Schanderl

Da horch! Des san Tön! De san ma liaba, als wia dei Schmarrn da . . .

Huber

lächelt verständlich.

I hör's aa gern, de Tön . . . aba, Kaver, dös konn i dir net schenk'n . . . de Sach muas außg'redt wer'n.

Schanderl

Hör auf, sag i . . . Da schau hi . . . Sepp kommt mit zwei schäumenden Maßstrügen herein Dös is des wahre!

Sepp stellt die beiden Maßstrüge auf den Ofentisch.

Sechste Szene

Sepp

's Wohlsei de Herrn!

Huber

Dank schö!

Schanderl

schauf Sepp misstrauisch an.

Du, gel? Dös bitt i mir aus, mehra wie
dös halbe Faßl derfst net ausschlecka . . .

Sepp

Ja, was glaub'n da gnä Herr?

Schanderl

Dös glaab i, daß d' scho a Maß wenigstens
g'schluckt host.

Sepp

Net an Tropfa, auf Ehr und . . .

Schanderl

Hängt da ja der Schaum no am Schnurrbart.

Sepp

sich hastig abwischend

Bloß an Faam abbloß'n . . .

Schanderl

Is scho recht. Aba blas ma net z'vui! Bitt
i mir aus.

Sepp

Owisß net, gnä Herr . . . da gibt's bei mir
durchaus gar nix . . . Ab

Siebente Szene

Schanderl

hebt seinen Maßkrug hin, um mit Huber anzustoßen.
Jega, alta Schpezi und Grantlhauer . . . san
ma's wieda?

Huber anstoßend

Sam ma's!

Beide trinten in tiefen Zügen.

Schanderl

Ah! Dös is a Bierl! Der erste Schluck im
gmüatlich'n Hoam . . .

Huber

Oho! Hast du a Bierverbot?

Schanderl

Na, Bier hab i scho . . . aba . . .

Huber

Mit da Gmüatlikeit werd's was hamm?

Schanderl

Ked'n ma net davo!

Huber

O mei Mensch, du g'hörst aa zu dena, de net
g'wißt hamm, wia schö's as g'habt hamm.

Schanderl

Dös woäß i scho.

Huber

Scheint's net, sunst waarst ledi blieb'n.

Schanderl

Grad desweg'n woaß i's ja . . . wie schö,
daß i's g'habt hab . . . Habe . . . vastehst?

Huber

Ja . . . ja. Eigentli kunnst d' oan dabarma.

Schanderl

Oho . . . ho . . . ho! Gar so g'feit is na do
net. I muaß meina Gemahlin de Ehr lass'n,
sie hat ihre Vorzüg. Na, na, mei Liaba da
muaßt d' nig glaab'n!

Huber

I glaab eh nig.

Schanderl

Vor all'm is sie sehr gebildet. De spricht
fließend französisch und spuit anerkannt guat
Klavier.

Huber trocken

So? No also!

Schanderl

Sie is auß den feinsten Kreisen, und da der-
fast weit geh, bis d' wieda oane find'st, de wo
. . . vastehst . . .

Huber trocken

So fließend französisch redt.

Schanderl

Alladings. Dös is wahr, mei Liaba, da der-
fast weit suacha.

Huber
immer im gleichen Ton
I suach net.

Schanderl
Na . . . Korbi . . . aba daß ma 's Trink'n
net vageß'n! Sollst leb'n, alte Gamshaut!

Huber
Dei Wohl!

Beide trinken.
Schanderl
Siehgst, i sag's oft, 's Lustigsei is was wert,
und 's guate Leb'n, aba . . . d' Buidung, woast
a richtige Buidung, de hat scho aa ihre Vorzüg.

Huber
Freili.

Schanderl
In seina Jugend natürli denkt da Mensch
net auf dös, bal ma älter werd, tracht' ma besser.

Huber
Und auf oamal hat ma's.

Schanderl mißtrauisch
Was hat ma?

Huber
De Buidung.

Schanderl mißtrauisch
Du!

Huber

Ober oane, de wo oan de Buidung beibringt...

Schanderl

Dableckta sollst du mi net, Korbi!

Huber

I dableck di net... du hast ma's selm g'sagt,
daß deine Gemahlin...

Schanderl

Aus de feinst'n Kreis is. Und dös is aa wahr.

Huber

Also! Was jammerst denn nacha?

Schanderl

I jammer ja net...

Huber

Net? Na hat's mi täuscht.

Schanderl

I hab koan Grund zu'n jammern... mei
Liaba!

Huber

Siehgst, dös freut mi.

Schanderl

rückt näher.

Korbi, schau, du bist mei besta Freund...

Huber

Jega wieder?

Schanderl

Geh, fang net vo dem wieda o!

Huber

Es vagist si net so leicht. Wenn ma'r oan
a ganzes Jahr auf d' Seit'n schiabt.

Schanderl

Dös hab i net. Na! I hab oft an di denkt,
aba . . . natürli, lauter neu's und lauter un-
g'wohnt's, und da fo ma net allawei, wie ma
möcht. Uberhaupt's, de fad'n G'schicht'n kunnt
ma jekt amal begrab'n.

Huber

Begrab'n ma's! Stößt mit ihm an. Beide trinken.

Schanderl ruft

Sepp!

Sepp schaut zur Türe herein.

Schanderl kurz

Ei'schenka!

Sepp

geht an den Tisch und nimmt die Maßtrüge.
Zawoi, gnä Herr. Ab.

Schanderl

Also schau, Korbi, du bist mei besta Freund,
und mit dir fon i anderst red'n, und dir fon
i mehra sag'n . . . net?

Thomas, Waldfrieden

3

Huber

Allerdings . . .

Schanderl

Du kennst aa mi, net wahr? Und woast aa, wie'r i g'lebt hab, und kennst mein Charakta und überhaupts . . . net wahr?

Huber

Allerdings . . .

Schanderl

Desweg'n red' i aa mit dir über de Sach und sag dir, was i sunst koan sag. Dös derfst ma glaab'n, daß i no foa Sterbenswörtl ausalass'n hab über dös . . .

Huber

Wo deine Gemahlin?

Schanderl

Bst!

Sepp kommt mit den frisch gefüllten Maßkrügen, die er auf den Tisch stellt.

Sepp

's Wohlsei, de Herrn!

Huber

Dank schö!

Schanderl

Is no a Bier drin im Faßl?

Sepp

Ja, was moana da gnä Herr? Waar scho
recht . . . ja so was! Ab.

Schanderl

Trink ma z'erscht! Geh her, alta Freund, und
foan Zweifi gibt's nimma! Gel?

Huber

Jega nimma.

Stoßen an und trinken.

Schanderl

Siehst, Korbi, es is ja alles recht. Der oa
schaugt's so o, der ander schaugt's anderst o . . .
und a jeda muas sei Packl trag'n.

Huber

Des, wo er si selber aufladt.

Schanderl trübsinnig

Aufladt . . . jawoi . . . des wo si der Mensch
aufladt. M—hm—ja—ja . . . Schau, Korbi, i
hab vui über dös nachdenkt, und jega woas i's
guat. I bin scho z' alt g'wen . . . für dös . . .

Huber

Für de Buidung?

Schanderl

lächelt schmerzlich.

Für's Heirat'n. Woast, dös braucht g'wöhna,
und zu dera G'wohnheit derfst koan anderne

3*

G'wohnheit hamm, und bal ma ältä is, hat ma halt vui G'wohnheit'n, de wo net pass'n zu dem G'wöhna. Dös is des ganze Geheimnis der Ehe. Vastehst?

Huber

I vasteh di guat.

Schanderl

Bal ma lang nachsinniert, da kimmt oan de Einsicht, Korbi. A junga Mensch, siehst, der g'wöhnt si was o und g'wöhnt si was ab, aba an älterer Mensch, der g'wöhnt si nix ab und g'wöhnt si nix o. Und d' Frauenzimma, Korbi, des laß da sag'n, de brauch'n g'wöhna und ver-langen 's G'wöhna. Jetzt woast all's.

Huber

Jetzt woast i all's.

Schanderl

Trink ma'r amal!

Huber

Trink ma!

Stoßen an und trinken.

Schanderl seufzt

Ja, mei Mensch, zwoamal sollt' ma'r all's macha derfa!

Huber

I moan allaweil, es is dir oa mal scho z'vui.

Schanderl hitzig
I macher's ja nimma! Jessas! Frei wenn
i waar — ah!

Huber
Hättst mi g'fragt, i hätt da's glei g'sagt.

Schanderl
Was hättst ma du g'sagt?

Huber
Daß döös nix is für di.

Schanderl
Döös is de G'scheithet hinta drei; für de
kriagt ma nix.

Huber
I hätt da's davor umasunst geb'n.

Schanderl
etwas ärgerlich
Na, na! Woast, gar so oafach war und is
de G'schicht net, daß ma sagt, hätt'st da's net
to, i hätt da's glei sag'n finna. Na, na! So
oafach is döös net!

Huber abweisend
Geh!

Schanderl
kommt etwas in Hitze
Was woast denn du eigentli davo? Gar nix
woast!

Huber

Dös woasß i — — —

Schanderl

unterbricht ihn

Nix woasßt! Unseroana kimmt da auf oamal
in d' Hott wollä eini, in ganz anderne Kreise,
in feine Kreise, des konn a da sag'n und siecht
da an ganz andern Furm, wia's halt is bei da
Hott wollä, lauta Feinheit und ah... überhaupts
... net ... a Buidung ... no ja, daß oan
des g'fallt, dös is foa Wunda ...

Huber ironisch

No freili! Du hast halt de Neigung für d'
Feinheit, die Gabe ...

Schanderl geschmeichelt

A Schwäche dafür hon i allaweil g'habt.

Huber

Und da laßt ma si leicht o'bleameln.

Schanderl hixig

Nix o'bleamelt! De Buidung is vorhand'n.
Da gibt's nix.

Huber

Aba ...

Schanderl

unterbricht ihn

De is vorhand'n, sag i. Brauchst di bloß er-

kundig'n, dös werd dir a jeda konschtatiern.
Meine Gemahlin hat eine erschtlassige Buidung.

Huber trocken

So?

Schanderl

Jowoi, des hamm sogar hervorragende Pro-
fessa konschtatiert. Sie spricht fließend Französisch
und schpuit anerkannt guat Klavier.

Huber

Also, was jammerst denn nacha?

Schanderl

I jammer do net!

Huber

Nacha vastenga mir anand nimma. Aller-
dings, bal ma si jahrelang nimma siecht . . .

Schanderl

wieder gemütlisch

Laß guat sei, Korbi! Wo dem werd nig mehr
g'redt. Dös schwoab'n ma abi. Hält seinen Krug
zum Anstoßen hin.

Huber

stößt an.

Also, — na schwoab'n ma's abi!

Sie trinken.

Schanderl vertraulich

Woast, Korbi, daß d' mi recht vastehst, jam-

mern tua i net, aba als mein best'n Freund
vertrau i dir meine geheimst'n Gedank'n an . . .

Huber

Ah so moanst?

Schanderl

Freili! Und der geheimste Gedanke is, va-
stehst mi scho, bal i de Dummheit no net g'macht
hätt', machet i s' nimma . . .

Huber

Dummheit — sagst d'?

Schanderl

Oda Unüberlegtheit . . . denn woast, Korbi
er bricht los . . . woast, so an überspannte Ziefern,
so a launische, so a herrische . . . so a varruckte
Bisgurn . . . ah Freund, de fo da 's Leb'n ver-
leid'n . . . ah!

Huber

Hat s' di beim Wickel . . . han?

Schanderl

Ah! I sag da, so was unguats! Grad
benx'n und foa Freud net lass'n und foa Ruah
. . . ah! Will i amal ausgeh, is da Krach scho
firti, will i an Freund bei mir sehg'n, is 's
no irga . . .

Huber

Ahan!

Schanderl

ist im Eifer und hört nicht auf Huber.

All's muas nach ihr geh! De sad'n Hans-
wurscht'n, woast, mit lange Haar, d' Schlawina,
das Künstlervölkchen, vastehst, d' Schreibag'sell'n,
de hamm's bei ihr schd, und i muas dabei hoch'n
und Buckerl macha und muas s' bewundern,
vastehst, wenn s' g'scheit red'n mit ihr und d'
Aug'ndeckel auf und o ziahg'n wie d' Uhu . . .
Ah! ah!

Huber

belustigt, doch äußerlich ernst

Schwoab'n ma's abi! Er stößt mit ihm an. Beide
trinken aus.

Schanderl ruft

Sepp! . . . Zu Huber Ja, mei Mensch! Grad
no oa mal, wann i's z' toa hätt' . . .
Sepp kommt, geht an den Tisch und holt die leeren Krüge.

Schanderl

faßt nach der Hand Hubers und drückt sie.

Siehst, du bist mei Jugendfreund, und dir
sag' i all's. Oft, derst ma's glaab'n, oft denk
i nach, ob i's net o'bringa kunnt. Aba des is
schwara, wie's kriag'n. Sollt'st grob sei, denk
a ma, oda glei gar brutal, dös vertragenet s' net
. . . aba . . . siehst, Korbi, wenn ma ins aa
ordinär hoast, de richtige Grobheit, des Gmüats-

lose . . . des bringa mir net firti. Des finna
de feina Leut beffa, de wo de große Buidung
hamm, de wo . . .

Huber

Fließend Französisch red'n . . .

Schanderl

Ja . . .

Huber

D' Gott wollä . . .

Schanderl

Ja, und de zarte, weibliche Natur, de hat döß
heraus, wia ma'r an Mensch'n sekiert, mit da
Feinheit sekiert . . . vastehst . . . Er räuspert sich,
da Sepp eintritt und die vollen Krüge auf den Tisch stellt.

Schanderl

Ja . . . ja . . . alta Freund, so geht's auf
dera Welt! Trink ma'r amal!

Huber

Sollst leb'n, arma Schwammerling!

Sepp ab.

Schanderl

macht einen tiefen Zug.

Döß richtige Leut'schind'n, mit an jed'n Wort
oan auf d' Zecha tret'n, des muuß angeboren
sei, vastehst, des finna mir net, und bal ma'r
uns aa jed'n Tag zwanz'gmal ordinär hoast . . .

Huber

Hoast ma di?

Schanderl

Mi und all's, was zu mir g'hört oda g'hört
hat, vastehst . . . Meine G'wohnheit'n, mei Ver-
gangenheit, meine Freind . . . all's is ordinär . . .

Huber

Ahan!

Schanderl

Du aa, Korbi!

Huber

Last si denk'n . . .

Schanderl

Du bist überhaupts da Abschaum der Mensch-
heit, du bist da personifizierte, ordinäre Bier-
philistra . . . dein Name derf überhaupts nicht
genannt wer'n, und dabei fennst s' di no net amal!

Huber

Gott sei Dank!

Schanderl

Aba du bist scho als unbekannt des Ordinärste,
was überhaupts gibt . . .

Huber

der schon ärgerlich war, zornig
Also gel, für dös bin i net herganga . . .

Schanderl
merkt überrascht, daß Huber erzürnt ist.
Sagt sie, net i . . .

Huber
Macht's entere Bemerkung über ander Leut!

Schanderl
Was hast denn? Sie sagt's als unbekannt
— net . . .

Huber
I mag scho gar net bekannt sei . . . mit . . .
so . . . Verschluckt eine Grobheit . . . ah!

Schanderl
Geh, Korbi! Sei so guat und z'friag di no
mit mir! San denn mir net alte Freund?

Huber mürrisch
M—hm—ja!

Schanderl
Geh was! Da stöß o, alte Hütt'n!
Huber stößt an, aber sehr flüchtig und so, daß man seine
Verstimmung merkt. Beide trinken.

Schanderl
Schau, grad, weil's d' mei Schpezl bist, sag
i dir all's mit da größt'n Aufrichtigkeit.

Huber
Also . . . na muaß i aa aufrichti sei, net?

Schanderl lärmend
Freilil! Natürli!

Huber

Und weil du net jammerst und aa foan Grund
host zun jammern, sondern weil du bloß dein
Geheimnis anvertraust, muasß i dir aa was
anvertrau'n.

Schanderl

Han?

Huber

Anvertrauen! Bastehst! Daß dös übahaupts
foa Geheimnis net is, daß du a Ladiel bist,
a trauriga, der wo si all's g'fall'n laßt, wo seine
Freund nimma kennt hot und d' Nas'n aufzog'n
hot, weil s' 'n an da Buidung hamm schmecka
loss'n . . .

Schanderl bestürzt

Ja, Korbi, wie kimmst ma denn du . . . ?

Huber

Des sag'n de andern, net i . . . des sag'n de
Befannt'n, net de Unbekannt'n.

Schanderl

Jetzt hab a ma denkt, i will mir den schönst'n
Tag austoa mit mein best'n Freund, und dawei . . . !

Huber

Na muasßt oan aa net beleidigen!

Schanderl

Ja, wer redt denn von mir? I beleidig di
do net . . . i red do von ihr . . .

Huber

Und i vo de andern . . .

Schanderl

Ah was, Korbi! San ma g'müatli! Wer
woaß, wann i 's wieda sei fo . . . und grad vo
dir waar's ma arg . . . da . . . stöß' o!

Huber versöhnt

No also . . .

Schanderl

Schwoab'n ma 's abi?

Huber

Schwoab'n ma 's abi.

Stoßen an und trinken.

Achte Szene

Sepp

stürzt herein und ruft

A Wag'n kimmt . . . gnä Herr . . . a Wag'n . . .

Schanderl

Han?

Sepp
A Wag'n kimmt . . . A Weibsbild hockt drin
. . . mit an Trumm Federnhuat . . .

Schanderl vernichtet
Auweh! Dös is sie!

Huber fragend
Sie?

Schanderl
nicht gebrochen.
Meine — Gemahlin . . .

Sepp
D' Frau Gemahlin vom gnä Herrn? Ja
. . . da müaß ma naus! Der Wag'n werd glei
do sei . . .

Huber
der sieht, daß Schanderl fassungelos ist
Naturli gehst naus! Machst dei Revarenz,
nimmst 's Gepäck, führst da s' rei, wie ma 's
halt macht . . .

Sepp
Jawoi, und d' Wally muuß aa naus . . .

Huber
Naturli . . .

Sepp
Gnä Herr . . .

Huber
Jetzt mach zua . . .

Man hört Peitschentnallen. Sepp eilig hinaus.

Neunte Szene

Huber

Herrgott, host da Kerl do wia'r a Hauf'n
Glend! Woß hast denn du z' scheucha?

Schanderl

Du host leicht red'n . . .

Huber

I möcht scho wiss'n, was dir g'scheh'g'n to
. . . Jetzt sollt'st amal zoag'n, daß d' no a bissel
a Mannsbild bist und a Schneid host . . .

Schanderl

Schneid sagst d'?

Huber

Wenn ma scho vo Schneid red'n mag! Was
is denn nacha? Sie is halt do, und du bist do,
und i bin do . . . woß feit denn do?

Schanderl

sich aufraffend

Eigentli is 's wahr!

Man hört eine lebhafte Stimme außen, Koffer am Boden
schleifen, Leute Treppen auf und ab laufen, viel Spektakel.

Schanderl

Was is denn aa dabei? Mir san ganz oafach
do. Döß is zun lacha! Döß is mei alt's Jagd-
haus, und du bist mei alta Jagdspezl . . . und

warum soll'n denn mir net do sei? Was is denn da dabei?

Huber aufmuntern

Es is halt wie anderstwo aa.

Schanderl

Freili. A jeda Mensch kriagt amal an Bsuach, und a jeda Mensch hat seine Bekannt'n . . . es müass'n net lauta Schlawina sei und Schreiba g'sell'n . . . dös is zum Lacha . . .

Huber

Deza g'fallst ma besa . . .

Schanderl

Übahaupts . . . in an Jagdhaus hat ma Jagdgäst . . . dös is amal so . . . Warum soll denn i foa hamm? Dös waar zum Lacha!

Huber

Und de Freund könna am End no konfurriern mit de zuagroast'n Schlawina, de wo bei da gnädig'n Frau Gemahlin vatehr'n . . .

Schanderl echot

De könna no konfurrier'n . . .

Huber

Dös san Münchna Bürga und g'schtand'ne Leut . . .

Schanderl

Jawoi. Und übahaupts hab i gar net wiss'n

Z h o m a, Waldfrieden

4

finna, daß sie auf oamal daher kimmt. Wenn
ma wohi kimmt, wo a G'sellschaft is, nacha muas
ma de G'sellschaft hamm. I fo do net schmecka,
daß sie daher kimmt. Dös is zum Lacha!

Wally stürzt herein.

Zehnte Szene

Wally

Da gnä Herr soll auf da Stell zu der gnä
Frau aufi femma.

Schanderl
wieder bestürzt

Was?

Wally wiederholt

Da gnä Herr soll auf da Stell . . .

Huber unterbricht

No . . . no . . . gar so pressiern werd dös
net . . .

Schanderl ängstlich

Dös is zum Lacha! Gar so pressiern werd
dös net . . .

Die elektrische Klingel schrillt zweimal heftig.

Wally

Es pressiert, scheint's, scho . . .

Huber

Sagst d', es is a B'suach da . . .

Schanderl

rafft sich wieder auf.

Jawoi! An schön Gruaß vom gnä Herrn,
und da gnä Herr hat an B'suach!

Wally zögert

Dös woaß die gnä Frau scho . . .

Die elektrische Klingel schrillt wieder. Diesmal dreimal.

Huber

kategorisch zu Wally

Tua dös, was dir o'g'schafft werd!

Schanderl

I hab an B'suach und bleib herunt. Dös
waar zum Lacha!

Wally

Wia da gnä Herr meinen . . . Geht zögernd ab
und wirft, unbemerkt von Huber, einen mitleidsvollen Blick
auf Schanderl.

Elfte Szene

Huber

der sich wieder an den Tisch gesetzt hat

Hoock di^{er}her, sag i . . . und laß d' Trentsch'n
net a so hänga. Jetzt werd's erscht zünfti . . .

Schanderl

setzt sich scheu und widerstrebend.

Ja—ja . . .

4*

Huber

Und stöß amal o auf dein Mannesstolz! Auf dein neubachana! Er hält ihm den Maßkrug hin, aber Schanderl erwidert es nicht.

Schanderl

Trinka mag i nix mehr . . . mir is da Appetit verganga . . . überhaupts . . .

Huber

A was! Erst recht trinkst, daß da d' Schneid wachst . . .

Die Klingel schrillt dreimal.

Schanderl

ist zusammengefahren.

Da soll a G'müatlikeit net aufemma . . . Na, Korbi, i mag nix mehr. Ubahaupt's waar's g'scheidta, mir tat'n de Maßkrüag weg . . .

Huber höhnisch

Warum denn?

Schanderl

No ja . . . a g'wisse Rücksicht muas ma üab'n, wenn ma'r aa sein Kopf aufsezt und . . .

Huber

Und de Maßkrüag bleib'n do. Herrgott, bist da du a Lettfeig'n! Siehgst, i will da was sag'n . . . Er sieht, daß Schanderl nicht auf ihn merkt,

sondern nervös nach der Türe hin horcht. Man hört eilige Schritte durch den Gang und über die Treppe. Auf mi paß auf!

Schanderl *zusammenfahrend*

Was moanst? Horcht. Hat's jetzt net . . . ?

Huber.

Nix hat's. Laß da sag'n, Xaver, du bist heut am Wendepunkt. Gibst d' nach — na bist ver, für ewig. Gibst net nach, da funnt'st vielleicht no obenauf femma . . .

Schanderl

unbehaglich und nervös auf seinem Sessel rutschend
Geh! Du host leicht g'scheit sei.

Huber *eindringlich*

Schaug da do amal a Frauenzimma o! Was is denn dro an so an Weibets, daß ma si fürcht'n müaßt? Schaug da's amal g'nau o!

Die Glocke schrillt.

Schanderl

Du, paß auf! Zean ma d' Maßfrüag weg! Greift nach den Krügen, aber Huber reißt sie ihm weg. Dös hat foan Wert.

Huber

Da bleiben s'. De san de Sinnbilta von dein Mannesstolz. Jessas na! Mir sollt amal oane was sag'n, wenn i mit an Freund beinand

hoch . . . ah! Da waar's g'feit! Dös gab an Unglück!

Schanderl

immer nervöser

Geh, hör auf mit dem Schmarrn!

Huber

sich in Eifer redend

An Unglück gab's, sag i. An Ding nehmat i, an Wasseroama, an Mastruag, an Schürhagl, an . . . an . . . ja, was i halt in d' Hand kriaget und her über de Bißgurn, über de miserablige. Was? saget i, du, an Freund von mir? Da host oane haut mit dem Mastrug auf den Tisch und no oane, du Trankhafa, du ausg'schamta!

Die Klingel läutet heftig viermal.

Schanderl

fährt heftig zusammen; sehr nervös

Für de Spruch kriagst gar nix!

Huber höhnisch

Net?

Schanderl

Na. Dö san billi. Heiret zersch, na werst as scho sehg'n.

Huber lärmend

Ja, waar i no verheiret! Ja, hätt i no bei Alte! De lasset i heut rum, wia'r an Rinihaf'n

... Was? saget i ... an Hanswurscht'n müast
i dir abgeb'n, saget i, dir? saget i, du Stall-
latern, du schiaglate ... dir? saget i ... da!
haut wieder mit dem Wasstrug in den Tisch saget i,
hast oane, saget i ...

Es läutet viermal; Wally stürzt herein.

Zwölfte Szene

Wally

Da gnä Herr muasß auf da Stell zu da gnä
Frau nauf kumma ...

Huber brüllt

Net mög'n ma!

Wally

D' gnä Frau hat g'sagt, wenn da gnä Herr
net sofort kommt, fährt d' gnä Frau weg ...

Huber

Ja, wenn s' no scho beim Teufi waar!

Schanderl

der gleich aufgestanden war; zu Huber

Eua di a bissel mäsig'n ... Zu Wally, die an
der Türe steht I kumm glei ... Gehen S' dawei
nauf!

Wally ab.

Dreizehnte Scene

Huber aufstehend

Du bleibst herunt. Schamst di denn gar net?

Schanderl

Vorläufig tua'r i, was i mog.

Huber

Was du magst? Je! Den schaug o! Derfst du überhaupts mög'n?

Schanderl

macht einen Schritt zur Türe.

I geh jetzt nauf . . . vastand'n?

Huber

zieht ihn am Rockschöß zurück.

Da bleibst!

Es läutet dreimal.

Schanderl

reißt sich los.

Du! Gar so weit muaßt as net treib'n!
Eigentli hat meine Gemahlin recht . . . ordinär
bist d' scho!

Huber

plötzlich ernüchtert und ruhig

Ah! So red'st du daher? Jega kimmst raus
mit deina wahr'n Natur!

Schanderl

den es reut

Was brauchst d' mi denn du z'ruckreiß'n?

Huber

Ordinär sam ma? So . . . so? Er steht auf und geht an den Gewehrrahmen, setzt seinen Hut auf, nimmt Büchse und Rucksack. Weil ma si herbei laßt und will eahm helfa, is ma ordinär. Fünfa-zwanz'g Jahr spuit er an Freind, und auf oamal is ma ordinär bei dem feina Herrn. Dös g'fallt ma . . .

Schanderl

Korbi, so is 's net g'moant . . .

Huber

kalt abweisend

Di kenn i . . . reschpektive Jhnen kenn ich . . . I geh . . . und aus is . . .

Schanderl dringlich

Also, Korbi!

Huber eiffig

Aus is! Er bläkt in der Stube herum und frägt mit gemachter Höflichkeit. Klavier ham da gnä Herr keines hier?

Schanderl verständnislos

Han?

Huber

Damit die Gemahlin was vorspuit. Nacha muuß s' halt fließend französisch red'n . . . Wünsch guate Untahaltung. Er geht und läßt die Türe offen.

Schanderl

Korbi . . . Ruft in den Gang hinaus Geh, alta
Schpezi, sei do g'scheit . . . Man hört draußen eine
Tür zuschlagen.

Schanderl unglücklich

Dös is mei grüabiga Abend.

Es läutet dreimal; dann ertönt eine kreischende, sehr laute
Frauenstimme: Ka—ver!

Schanderl

ruft freundlich

Glei! . . . Muckerl! Glei . . . kimm i . . . Maußi
Buzi! . . . Indem er sich nochmal umwendet und sich
am Kopf kratzt. D . . . Herr gott . . .!

Während er gebeugt abgeht, fällt der Vorhang.

Ludwig Thoma

Andreas Böst

Ein Bauernroman

Umschlagzeichnung von Prof. Ignatius Taschner

22. Tausend

Preis geheftet 3 Mark, gebunden 4,50 Mark
in Leder 6,50 Mark

Urteile der Presse

Leipziger Tageblatt: Nur selten, sehr selten geschieht es, daß wirklich ein bedeutendes Werk geschaffen wird, ein Werk, das uns den Glauben an die künstlerische Mission des modernen Epos wiedergibt. So manches Jahr vergeht, bevor eine solche Tat reift. Und wir dürfen unsere heutigen Erntetage als die bedeutungsvolle Zeit froher Erfüllung feiern. Ludwig Thoma war es, der uns ein grandioses Werk, ein wahres Epos schenkte und eine Gestalt schuf, die uns vielleicht jahrzehntelang unvergeßlich bleiben wird: seinen Andreas Böst.

Hamburger Fremdenblatt: Ludwig Thomas Kunst, das Bauerntum seiner Heimat zu schildern, steht in diesem neuen Roman auf der Höhe.

Verlag von Albert Langen, München

Ludwig Thoma

Der Wittiber

Ein Bauernroman

12. Tausend

Preis geheftet 4 Mark, gebunden 6 Mark
in Halbfranzband 7,50 Mark

Urteile der Presse

B. J. am Mittag: . . . Diese Bauerngeschichte erfüllt auch positiv alle guten Hoffnungen, die entstehen, sobald durch Aug' und Ohr das Zeichen Ludwig Thoma auf uns wirkt. Durch die besondere Kunst des Humoristen lächelt dauernd aus dem tragischen Motiv so viel quellende Laune, daß wir bei aller menschlichen Teilnahme an den Gestalten und ihren Schicksalen, das Buch mit behaglichem Schmunnzeln zu Ende lesen. Mit ein paar holzschnittartig fest konturierten Strichen steht die Hauptfigur des eigensinnigen, im Grunde gutartigen, dummpfiffigen Bauern da, der immer auf seinen Vorteil bedacht, fast stets gegen das eigenste Interesse handelt. Und all die Nebenfiguren: die Tochter Urschl, die Magd Zenzi, der Sohn Lenz, der Knecht Haargirgl, alle prachtvoll gesehen im kleinsten Zuge, in den wesentlichen wie nebensächlichen Details der glänzenden Charakteristik, die die Naturen der unkomplizierten Bauernmenschen mit doch höchst differenten Strichen so individuell und so lebenswahr zu schildern vermag.

Neue freie Presse, Wien: Eine bäuerliche Schicksalstragödie in harter Albrecht Dürerscher Holzschnittmanier . . . Es ist kein Salonbauernrum, mit dem Thoma tändelt, seinen Romanen und Novellen aus dem ländlichen Milieu ist stets der bleibende Wert zeitgenössischer Kulturbilder nachzurühmen.

Verlag von Albert Langen, München

Ludwig Thoma
Andreas Böst

Ein Bauernroman

Umschlagzeichnung von Prof. Ignatius Taschner

22. Tausend

Preis geheftet 3 Mark, gebunden 4,50 Mark
in Leder 6,50 Mark

Urteile der Presse

Leipziger Tageblatt: Nur selten, sehr selten geschieht es, daß wirklich ein bedeutendes Werk geschaffen wird, ein Werk, das uns den Glauben an die künstlerische Mission des modernen Epos wiedergibt. So manches Jahr vergeht, bevor eine solche Tat reift. Und wir dürfen unsere heutigen Erntetage als die bedeutungsvolle Zeit froher Erfüllung feiern. Ludwig Thoma war es, der uns ein grandioses Werk, ein wahres Epos schenkte und eine Gestalt schuf, die uns vielleicht jahrzehntelang unvergeßlich bleiben wird: seinen Andreas Böst.

Hamburger Fremdenblatt: Ludwig Thomas Kunst, das Bauerntum seiner Heimat zu schildern, steht in diesem neuen Roman auf der Höhe.

Verlag von Albert Langen, München

Ludwig Thoma

Der Wittiber

Ein Bauernroman

12. Tausend

Preis geheftet 4 Mark, gebunden 6 Mark
in Halbfranzband 7,50 Mark

Urteile der Presse

B. Z. am Mittag: . . . Diese Bauerngeschichte erfüllt auch positiv alle guten Hoffnungen, die entstehen, sobald durch Aug' und Ohr das Zeichen Ludwig Thoma auf uns wirkt. Durch die besondere Kunst des Humoristen lächelt dauernd aus dem tragischen Motiv so viel quellende Laune, daß wir bei aller menschlichen Teilnahme an den Gestalten und ihren Schicksalen, das Buch mit behaglichem Schmunnzeln zu Ende lesen. Mit ein paar holzschnittartig fest konturierten Strichen steht die Hauptfigur des eigenfinnigen, im Grunde gutartigen, dummpfiffigen Bauern da, der immer auf seinen Vorteil bedacht, fast stets gegen das eigenste Interesse handelt. Und all die Nebenfiguren: die Tochter Urschl, die Magd Senzi, der Sohn Lenz, der Knecht Haargirgl, alle prachtvoll gesehen im kleinsten Zuge, in den wesentlichen wie nebensächlichen Details der glänzenden Charakteristik, die die Naturen der unkomplizierten Bauernmenschen mit doch höchst differenten Strichen so individuell und so lebenswahr zu schildern vermag.

Neue freie Presse, Wien: Eine bäuerliche Schicksalstragödie in harter Albrecht Dürerscher Holzschnittmanier . . . Es ist kein Salonbauernrum, mit dem Thoma tändelt, seinen Romanen und Novellen aus dem ländlichen Milieu ist stets der bleibende Wert zeitgenössischer Kulturbilder nachzurühmen.

Verlag von Albert Langen, München

Ludwig Thoma Lausbubengeschichten

Aus meiner Jugendzeit

Umschlagzeichnung von Th. Th. Heine

58. Tausend

Preis geheftet 3 Mark, gebunden 4,50 Mark

Subiläumsausgabe, in der Ungerfraktur auf reines
Habernpapier gedruckt, in Ganzleder gebunden
11 Mark

Berliner Börsen-Courier: Wer immanente, pointenlose Komik zu würdigen weiß, wird es mit herzlichem Lachen aus der Hand legen. Dereinst aber werden findige Kulturhistoriker an Ludwig Thomas Erinnerungen lernen, wie es in Wahrheit einem Gymnasiasten zumute ist.

Berliner Zeitung: Gegenüber all dem verlogenen Zeug, das uns über Kinder und ihr Seelenleben berichtet wird, wirken diese Geschichten in ihrer absoluten ungeschminkten Treue überaus erfrischend und belustigend.

Vorwärts-Berlin: Das lustigste Buch, das mir seit Jahren in die Hände gekommen.

Verlag von Albert Langen, München

Ludwig Thoma

Tante Frieda

Neue Lausbubengeschichten

Mit vielen lustigen Bildern von Olaf Gulbransson

40. Tausend

Preis geheftet 4 Mark, gebunden 5,50 Mark

Rudolf Herzog in den „Berliner Neuesten Nachrichten“: Wer nur ein Quäntchen Sinn für die schlagende Wirkung trockenen Humors besitzt, der wird bei diesen Lausbubengeschichten, die im wurstigsten Schulbubenton aufgetischt werden, aus den Zwerchfellerschütterungen nicht herauskommen. Ludwig Thoma, der allbekannte „Peter Schlemihl“ des „Simplizissimus“, hat die Maske des Lausbuben gewählt, um unverfrorener der geheimen Komik seiner Mitmenschen auf den Leib rücken zu können. Das Resultat ist überwältigend. Der Lausbub sticht uns den Star. Und plötzlich, ob wir wollen oder nicht, zwingt er uns, mit seinen Augen zu sehen, und nun entdecken wir an unseren lieben Mitmenschen ein solch gerüttelt und geschüttelt Maß von Eitelkeit, Dummheit, Eigennuß und Schminke, daß wir nicht mehr imstande sind, einen von ihnen hinfüro ernst zu nehmen, und in jede Würde oder Bespreiztheit mit knabenhaftem Subelgeschmetter hineinlachen müssen. Das mag sehr pietätlos sein, aber es ist ausnehmend lustig. Und die Illustrationen, die Olaf Gulbransson dem Buche beigegeben hat, sind geradezu Photographien menschlicher Komik.

Verlag von Albert Langen, München

Werke von Ludwig Thoma

Der Wittiber, Bauernroman	12. Tausend
Andreas Böstl, Bauernroman	24. Tausend
Lausbubengeschichten	58. Tausend
Tante Frieda, Neue Lausbubengeschichten	40. Tausend
Kleinstadtgeschichten	24. Tausend
Briefwechsel eines bayrischen Landtags- abgeordneten	42. Tausend
Josef Filzers Briefwechel. 2. Buch	20. Tausend
Nachbarsleute, Erzählungen	12. Tausend
Das Kälbchen, Novellen	25. Tausend
Agricola, Bauerngeschichten	13. Tausend
Der heilige Hies, Bauerngeschichte	7. Tausend
Hochzeit, Bauerngeschichte	16. Tausend
Assessor Karlchen, Humoresken	32. Tausend
Das Aquarium, Humoresken	10. Tausend
Die Wilderer, Bauerngeschichte	8. Tausend
Die Sippe, Schauspiel	3. Tausend
Magdalena, Volksstück	7. Tausend
Moral, Komödie	15. Tausend
Die Medaille, Komödie	11. Tausend
Die Lokalbahn, Komödie	8. Tausend
Erster Klasse, Bauernschwank	14. Tausend
Lottchens Geburtstag, Lustspiel	7. Tausend
Das Säuglingsheim, Burleske	5. Tausend
Der erste August, Zwei Einakter	10. Tausend
Brautschau, Drei Einakter	5. Tausend
„Peter Schlemihl“, Gedichte	3. Tausend
Moritäten, Lustige Verse	7. Tausend
Grobheiten, Simplicissimus-Gedichte	15. Tausend
Neue Grobheiten, Simplicissimus-Gedichte	12. Tausend
Kirchweih, Simplicissimus-Gedichte	5. Tausend
Heilige Nacht, Weihnachtslegende	Neuigkeit 1916

Verlag von Albert Langen, München

Druck von Hesse & Becker in Leipzig.

AB

1. A

9-8-4, 4